

VENDIM
Nr.173, datë 26.3.2004

PËR TRANSFERIMIN E PRONAVE TË PALUAJTSHME SHETËTËRORE TË SISTEMIT TË UJËSJELLËS-KANALIZIMEVE NË PRONËSI TË NJËSIVE TË QEVERISJES VENDORE

Në mbështetje të pikës 5 të nenit 100 të Kushtetutës, të nenve 8, 10 pika 3.I shkronja “a” dhe “b”, 72 pika 5.I shkronja “a” dhe “b” të ligjit nr.8652, datë 31.7.2000 “Për organizimin dhe funksionimin e qeverisjes vendore” dhe të neneve 3 shkronja “e”, 4, 6 shkronja “a” dhe 16 të ligjit nr.8744, datë 22.2.2002 “Për transferimin e pronave të paluajtshme publike të shtetit në njësitë e qeverisjes vendore”, me propozimin e Ministrit të Pushtetit Vendor dhe të Decentralizimit, të Ministrit të Rregullimit të Territorit dhe të Turizmit dhe të Ministrit të Ekonomisë, Këshilli Ministrave

VENDOSI:

1. Miratimin e transferimit të pronave të paluajtshme shtetërore të sistemit të ujësjellës-kanalizimeve në pronësi të njësive të qeverisjes vendore, sipas lidhjeve 1, 2 e 3, që i bashkëlidhen këtij vendimi.

2. Njësitë e qeverisjes vendore, të cilave u transferohen pronat e paluajtshme të sistemeve përkatëse të ujësjellës-kanalizimeve, të respektojnë marrëveshjet, detyrimet kontraktore, kontratat e shërbimit dhe të koncesionit, të nënshkruara ndërmjet Këshillit të Ministrave, ministrive dhe institucioneve qendrore, ndërmarrjeve të sistemit të ujësjellës-kanalizimeve dhe njësive të qeverisjes vendore me donatorët e huaj dhe me shoqëritë kontraktuese.

3. Njësitë e qeverisjes vendore, të cilat përfitojnë prona sipas lidhjeve 1, 2, 3 të këtij vendimi, janë të detyruara të ruajnë statusin juridik, si shoqëri anonime, të paktën për një periudhë 2-vjeçare.

4. Ministria e Ekonomisë të pasqyrojë ndryshimet e kapitaleve, që vijnë si rezultat i transferimit të pronave të paluajtshme në njësitë e qeverisjes vendore, sipas lidhjeve 2 dhe 3. Forma e administrimit të sistemeve që transferohen të përcaktohet nga njësitë e qeverisjes vendore.

5. Zyrat e regjistrimit të pasurive të paluajtshme dhe njësitë e qeverisjes vendore të kryejnë procedurat e regjistrimit të këtyre pronave.

6. Detyrimet financiare, të prapambetura deri në çastin e transferimit të pronave të paluajtshme shtetërore të sistemeve të ujësjellës-kanalizimeve në njësitë e qeverisjes vendore, të rregullohen me vendim të veçantë të Këshillit të Ministrave.

7. Ministria e Rregullimit të Territorit dhe e Turizmit, në bashkëpunim me Ministrinë e Financave dhe me Ministrinë e Pushtetit Vendor dhe të Decentralizimit, të transferojë në buxhetin e njësive të qeverisjes vendore, për vitin 2004 e në vazhdim, fondet përkatëse për pagat, sigurimet shoqërore, subvencionet e investimet buxhetore për pronat e transferuara, duke iu referuar buxheteve përkatëse të viteve të mëparshme dhe akteve ligjore në fuqi.

8. Ministrat dhe drejtuesit e institucioneve qendrore përkatëse të hartojnë udhëzimet e përbashkëta në zbatimin e këtij vendimi.

9. Ngarkohen Ministri i Ekonomisë, Ministri i Rregullimit të Territorit dhe i Turizmit, Ministri i Financave dhe Ministri i Pushtetit Vendor dhe i Decentralizimit, në bashkëpunim me njësitë e qeverisjes vendore dhe donatorët e huaj, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Fatos Nano

LIDHJE 1

NDËRMARRJE TË UJËSJELLËSVE DHE TË KANALIZIMEVE, PRONAT E PALUAJTSHME SHETËTËRORE TË TË CILAVE TRANSFEROHEN PLOTËSISHT

Nr.	Emërtimi i ndërmarrjes	Lloji	Njësia e qeverisjes vendore në të cilën transferohen	Referenca e miratimit të listave të inventarëve	
				VKM Nr. Dt.	Lista nr.
1.	Ujësjiellës-Kanalizime Fushë-Krujë	sh.a.	Bashkia Fushë-Krujë	366 5.6.2003	8
2.	Ujësjiellës-Kanalizime Lushnjë	sh.a.	Bashkia Lushnjë	366 5.6.2003	11
3.	Ujësjiellës-Kanalizime Libohovë	ndër.	Bashkia Libohovë	643 18.9.2003	16

LIDHJA 2

NDËRMARRJE TË UJËSJIELLËSVE DHE TË KANALIZIMEVE, PRONAT E PALUAJTSHME SHTETËRORE TË TË CILAVE TRANSFEROHEN PLOTËSISHT SIPAS SISTEMEVE PËRBËRËSE

Nr.	Emërtimi i ndërmarrjes	Lloji	Njësiti e QV në të cilat transferohen	Nr. i sistemeve që transferohen	Referenca e miratim. invent.
1.	Ujësjiellës-Kanalizime Pukë	sh.a.	Bashkia Pukë	Sist. 1	VKM 251 24.4.2003 Lista 11
2.	Ujësjiellës-Kanalizime Delvinë	sh.a.	Bashkia Delvinë	Sist. 4, 5, 6	VKM 366 5.6.2003 Lista 3
3.	Ujësjiellësi Shkodër Fshat	ndërm	Komuna Bushat Komuna Postribë	Sist. 1, 4, 7, 11 Sist. 13, 15, 16, 17	VKM 366 5.6.2003 Lista 4

LIDHJE 3

NDËRMARRJE TË UJËSJIELLËSVE DHE TË KANALIZIMEVE, PRONAT E PALUAJTSHME SHTETËRORE TË TË CILAVE TRANSFEROHEN VETËM PËR SISTEMET PËRBËRËSE TË IDENTIFIKUARA

Nr.	Emërtimi i ndërmarrjes	Lloji	Njësiti e QV në të cilat transferohen	Nr. e sistemeve që transferohen	Referenca e miratim. invent.
1.	Ujësjiellësi Përmet	sh.a.	Bashkia Këlcyrë	Sist. 2	VKM 251 24.4.2003 Lista 9
2.	Ujësjiellësi Elbasan Fshat	sh.a.	Bashkia Shushicë	Sist. 26, 27	VKM 366 5.6.2003 Lista 5
3.	Ujësjiellës-Kanalizime Fier	sh.a.	Bashkia Roskovec Komuna Strum	Sist. 5 Sist. 6	VKM 643 18.9.2003 Lista 13

